



Inuit Ataqtigiit Inatsisartuni  
Inatsisartut Allattoqarfiat  
/maani

**§ 37 naapertorlugu apeqqummut nr. 83-imut 3. juni 2020-meersumut akissutit:  
"Naalakkersuisut Siulittaasuata umiatsiani aalisartunut Nuup eqqaani  
nipsisanniartunut attartortissimagaa ilumoorpa?"**

19-06-2020  
Sulfiap nr 2020 - 10290  
All. nr. 14028129

§ 37 naapertorlugu apeqqummut nr. 83-imut 3. juni 2020-meersumut Inatsisartuni Inuit  
Ataqtigiinniit apeqqutigineqartumut innersuussuteqassaanga:  
"Naalakkersuisut Siulittaasuata umiatsiani aalisartunut Nuup eqqaani nipsisanniartunut  
attartortissimagaa ilumoorpa?"

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

### **1. Naalakkersuisut Siulittaasuata umiatsiani aalisartunut Nuup eqqaani nipsisanniartunut attartortissimagaa ilumoorpa?**

**Akissut:** Siulittaasup ikinngutaata umiatsiaata motooria ullormi 26. april 2020  
ajoquserpoq. Tamanna nipsisanniarnermi pivoq. Tamatuma kingorna oqaasiinnartigut  
angallatiga attartorsinnaagaa isumaqatigiissutigaarput. Umiatsiaq 27. aprilimit 19. maaji  
2020-mut attartorpaa.

### **2. Naalakkersuisut Siulittaasuata ilaqutai taamatut suliaqarnermit isertitaqarsimasut ilumoorpa?**

**Akissut:** Umiatsiap attartorneranut nalunaaquttap akunneranut akiliuteqartoqartarpoq.  
Attartorneq KNAPK-p akigititai malillugit naatsorsorneqarpoq. Umiatsiaq  
attartorneqartoq aquuttoqanngitsoq matumani pineqarpoq. Isumaqatigiissut imatut  
inernilerneqarpoq; nal. ak. akigitinneqartut nalinginnaasut 25 %-iannik akilliisoqassasoq,  
tamakku aningaasartuutitut aalajangersimasunut il.il. matussutaassapput aamma  
attartorneq iluanaarniutigerusunngilarput.

### **3. Aalisartooq taanna Naalakkersuisut Siulittaasuata namminerisaminik umiatsiaanik atuisoq Naalakkersuisut 12. maaji 2020-mi pisassiissutit amerlineqarnissaannik aalajangiinerannik, tamakku Nuummi Maniitsumilu aalisartunut tunniunneqarput, pissarsissuteqarsimava?**

**Akissut:** Inuk umiatsiannik nal. ak. akiliisarluni attartortoq inuussutissarsiutigalugu  
aalisartuuvoq aamma sunilluunniit aalisarnissanut umiatsiannik atuinissaminut  
periarfissaqarsimavoq, tamakkuninngalu aalisarnissaminut atorsinnaasumik  
akuersissutaateqarpoq.

**4. Naalackersuisut Siulittaasuata nipsisattassiissutininik amerlisanik kikkut pissarsinissaat pillugit aalajangeeqataasimannginnini uppersarsinnaavaa?**

**Akissut:** Nipsisattassiissutit ataatsimut pisassiissutaapput aamma nipsisanniarnissaq paggatassiissutigineqarpoq. Pisassiissutit akuersissutaatilinnut aalajangersimasunut agguanneqanngillat. Taamaattumik akuersissutaatillit 992-iusut tamarmik nipsisanniaqqinnissamut assigiinnik periarfissaqarput.

**5. Naalackersuisut Siulittaasuata 2020-mi nipsisanniarnermut peqataasimannginnini uppersarsinnaavaa? tamatumani toqqaannartumik aalisarneq imaluunniit namminerisaminik umiatsiaminik attartortitsineq pineqarput.**

**Akissut:** Apeqqutip aappaanut akissut takuuk

Inussiarnersumik inuulluaqqusillunga



Kim Kielsen